



**Broj:14-06/05-23.2.-03794/16**  
**Sarajevo, 04.11.2016.godine**

**PREDMET:**

**I N F O R M A C I J A**

**o postupanju nadležnih inspekcija KUIP-e u periodu 28.09. do 28.10.2016. godine**

**Za provođenje odluke zaduženi su sljedeći inspektorati KUIP-a :**

**1.INSPEKTORAT URBANISTIČKO-GRAĐEVINSKE, EKOLOŠKE I KOMUNALNE  
INSPEKCIJE:**

- \*inspekcija zaštite okoliša
- \*komunalna inspekcija
- \*urbanističko-građevinska inspekcija

**2.INSPEKTORAT SAOBRAĆAJNE I CESTOVNE INSPEKCIJE**

- \*saobraćajna inspekcija

**3.INSPEKTORAT TRŽNO-TURISTIČKE INSPEKCIJE**

- \*tržno-turistička inspekcija

**Pregled inspeksijskih postupka po inspekcijama:**

● **Inspekcija zaštite okoliša**

Shodno odredbama Odluke o zaštiti i poboljšanju kvaliteta zraka u Kantonu Sarajevo ("Sl. novine Kantona Sarajevo", broj 23/16), te Planu interventnih mjera u slučajevima prekomjerne zagađenosti zraka u Kantonu Sarajevo("Sl. novine Kantona Sarajevo", broj 3/14) , **kantonalni inspektori zaštite okoliša u proteklom periodu pokrenuli su 47 postupaka i donijeli ukupno 47 rješenja.**

Inspeksijski nadzor u oblasti zaštite okoliša u proteklom periodu rezultat je inspeksijske analize sačinjene na osnovu iskustva iz prethodnih godina i u ovoj, prvoj fazi , usmjeren je prioritarno prema sljedećim subjektima nadzora:

- a) operaterima koji vrše distribuciju toplotne energije shodno kapacitetu postrojenja kojim upravljaju
- b) operaterima pogona i postrojenja iz federalne nadležnosti, koji se nalaze na području Kantona Sarajevo ( shodno odredbama čl. 34. Odluke )
- c) preduzećima koja vrše javni prijevoz putnika na području Kantona Sarajevo

Operateri koji vrše distribuciju toplotne energije, shodno kapacitetu postrojenja kojim upravljaju , upozoreni su da su obavezni odmah poduzeti sljedeće mjere i aktivnosti:

- 1) Sve odgovarajuće zakonom predviđene mjere na smanjivanju emisija u zrak,
- 2) Izvršiti monitoring zagađujućih materija u zrak u zakonski predviđenom roku i rezultate monitoringa dostaviti Ministarstvu prostornog uređenja, građenja i zaštite okoliša Kantona Sarajevo,
- 3) Izraditi odnosno ažurirati Interni operativni plan za djelovanje u slučajevima proglašavanja epizoda, zagađenosti zraka i isti dostaviti Ministarstvu prostornog uređenja, građenja i zaštite okoliša Kantona



Sarajevo

4) Dokaz o postupanju dostaviti Kantonalnoj upravi za inspekcijske poslove

- Rješenja upozorenja dostavljena su i operaterima pogona i postrojenja iz federalne nadležnosti, koji se nalaze na području Kantona Sarajevo ( shodno odredbama čl. 34. Odluke ) .
- Preduzeća koja vrše javni prijevoz putnika na području Kantona Sarajevo , upozorena su da su dužna izraditi Interni operativni plan za djelovanje u slučajevima proglašenja epizoda iz Plana ( sa uputama šta Plan treba da sadrži) kao i da su obavezni dostaviti tražene podatke ( broj vozila,dnevna i godišnja prosječna potrošnja goriva za prethodnu godinu, izvještaj o provedbi aktivnosti iz dostavljenog plana dostaviti Ministarstvu do 30.07. za prethodnu sezonu predsjedniku operativnog štaba...).
- **Kontrola izvršenja rješenja je u toku i vrši se po službenoj dužnosti .**
- **Komunalna inspekcija**
  - Kantonalni komunalni inspektor pokrenuo je usmjereni postupak inspekcijskog nadzora vezano za održavanje čistoće na javnim površinama, koje su u programu održavanja KJKP Rad, kako bi se iste očistile prije spuštanja temperature ispod 5C .
  - **Tokom postupka donijeto je 1 ( jedno ) rješenje** kojim se KJKP Rad naređuje da u narednom periodu intenzivira mašinsko čišćenje i pranje saobraćajnica i javnih površina na području Kantona Sarajevo
  - **Kontrolom izvršenja rješenja utvrđeno je da KJKP Rad postupa po rješenju.**
- **Urbanističko-građevinska inspekcija**
  - Kantonalni urbanističko-građevinski inspektor pokrenuo je usmjerene postupke inspekcijskog nadzora na gradilištima na kojima je u toku izgradnja objekata za koje je Ministarstvo prostornog uređenja, građenja i zaštite okoliša KS provelo postupak odobravanja građenja.

U tom smislu, **tokom inspekcijskog postupka su donijeta 4 (četiri) rješenja** kojima se učesnici u građenju upozoravaju da su obavezni odmah poduzeti mjere i aktivnosti propisane čl. 31. i 41. Odluke o zaštiti i poboljšanju kvaliteta zraka u Kantonu Sarajevo ("Sl. novine Kantona Sarajevo", broj 23/16)

- **Kontrola izvršenja rješenja vrši se po službenoj dužnosti.**

## **2. INSPEKTORAT SAOBRAĆAJNE I CESTOVNE INSPEKCIJE.**

Inspektorat saobraćajne i cestovne inspekcije-saobraćajna inspekcija pojačane inspekcijske nadzore javnog prijevoza tereta sa posebnim akcentom na prijevozu uglja, a u kontekstu primjene člana 17. Odluke o zaštiti i poboljšanju kvaliteta zraka u Kantonu Sarajevo provodi uz asistenciju policijskih službenika Ministarstva unutrašnjih poslova Kantona Sarajevo, a u konkretnim nadzorima radi se o policijskim upravama Ilidža, Trnovo, Vogošća i Ilijaš .

U toku inspekcijskih nadzora, u skladu sa ovlaštenjima kantonalnih saobraćajnih inspektora određenim Zakonom o cestovnom prijevozu Federacije Bosne i Hercegovine ("Službene novine Federacije Bosne i Hercegovine" broj 28/06 i 02/10) dva inspektorska tima su poduzela slijedeće mjere:

**-Izvršili 142 inspekcijska nadzora**

**-Sačinili 76 zapisnika**

**-Izdali 12 prekršajnih naloga na osnovu Zakona o cestovnom prevozu FBiH u iznosu od 2.050 KM.**



U postupku inspekcijskih nadzora teretnih motornih vozila, kojima se vršio prijevoz uglja, utvrđeno je neposjedovanje dokaza o zadovoljenju uslova iz stava 1. člana 17. Odluke o zaštiti i poboljšanju kvaliteta zraka u Kantonu Sarajevo, izdatog od strane akreditovane laboratorije za analizu uglja prema BAS EN ISO 17025.

### **3.INSPEKTORAT TRŽIŠNO-TURISTIČKE INSPEKCIJE**

Tržišno-turistički inspektori Kantonalne uprave za inspekcijske poslove KS izvršili su kontrolu primjene člana 17.stav 1. Odluke o zaštiti i poboljšanju kvaliteta zraka u Kantonu Sarajevo (Sl. novine Kantona Sarajevo broj 23/16) nad pet subjekata koji obavljaju promet uglja i to:

1. "BAS-DAM" doo Sarajevo
2. "OGANJ-TRANSPORT" doo Sarajevo
3. "DRVOSJEČA" doo Sarajevo
4. "BRIKET" doo Sarajevo
5. STR "OGRIJEV TRANSPORT"

Prilikom inspekcijskih nadzora utvrđeno je da subjekti nadzora ne posjeduju certifikat o zadovoljavanju uslova iz čl. 17.stav 1. Odluke o zaštiti i poboljšanju kvaliteta zraka u Kantonu Sarajevo, odnosno certifikat o prodaji i upotrebi uglja koji ima ukupni sadržaj gorivog sumpora iznad 1% i toplotnu moć nižu od 12000 kJ/kg.

**S tim u vezi tržišno-turistički inspektori su u skladu sa članom 59. stav 1. tačka a. Odluke o zaštiti i poboljšanju kvaliteta zraka u Kantonu Sarajevo svim subjektima, uz izdate prekršajne naloge u ukupnom iznosu od 12. 412, 00 KM , izdali i rješenja o otklanjanju nedostataka.**

**Pripremili:**

**Inspektorat urbanističko-građevinske, ekološke i komunalne inspekcije**  
**Inspektorat saobraćajne i cestovne inspekcije**  
**Inspektorat tržišno-turističke inspekcije**